

食貨典第一百九十七卷

貢獻部紀事三

唐書宗室傳漢陽郡王瓌始爲郡公進王高祖使持幣遺突厥頡利可汗言和親事頡利始見瓌倨甚瓌開說示以厚幣乃大喜改容加禮因遣使隨入獻名馬

世說補貞觀中尙藥奏求杜若敕下度支有省郎以謝朓詩云芳洲生杜若乃委坊州貢之本州曹官判云坊州不出杜若應由讀謝朓詩誤華省名郎作此判事豈不畏二十八宿笑人邪太宗聞之改授雍州司法

御史臺記太宗朝文成公主自吐蕃貢金數百至岐州遇盜前後發使案問無獲賊者太宗召諸御史目之特命李義琛前曰卿神清俊拔暫勞卿推逐必當獲賊琛受命施以密計數日盡獲賊矣太宗喜特加士階賜金二十兩

酉陽雜俎天鐵熊高宗時加

伽

毗葉國獻天鐵熊擒白象師子

冊府元龜元宗先天二年南天竺新羅各遣使朝貢凡朝貢太上皇皆御門樓以見之

開元二

古今圖書集成
十三年吐蕃贊普遣其臣悉諾勃藏來獻方物兼以銀器遺宰臣侍中裴耀卿中書令張九齡禮部
尚書平章事李林甫等奏曰臣等忝職樞近不合輒受吐蕃餉方物並望勅鴻臚進內帝不從
瑯嬛記鳳毛金者鳳皇頸下有毛若綬光明與金無二而細軟如絲遇春必落山人拾取織爲金
錦名鳳毛金明皇時國人奉貢宮中多以飾衣夜中有光惟貴妃所賜最多裁衣爲帳燦若白日上
笑曰勝於飛燕合德明珠多矣

誠齋雜記元宗時柳婕妤適趙氏性巧使雕弓鏤板爲雜花打爲夾襖初獻皇后一疋代宗賞之
酉陽雜俎天寶初安思順進五色玉帶又於左藏庫中得五色玉杯上怪近日西賁無五色玉令責
安西諸蕃蕃言比常進皆爲小勃律所劫不達上怒欲征之羣臣皆諫獨李右座贊成上意且言武
成王天運謀勇可將乃命王天運將四萬人兼統諸蕃兵伐之及逼勃律城下勃律君長恐懼請罪
悉出寶玉願歲貢獻天運不許卽屠城虜三千人及其珠璣而還勃律中有術者言將軍無義不祥
天將大風雪矣行數百里忽大風四起雪花如翼風激小海水成冰柱起而復摧經半日小海漲湧
四萬人一時凍死唯蕃漢各一人得還具奏元宗大驚異卽令中使隨二人驗之至小海側冰猶崢

嶸如山隔冰見兵士屍立者坐者瑩徹可數中使將返冰忽稍釋衆屍亦不復見

通鑑綱目天寶六載命百官閤歲貢物於尚書省悉以車載賜李林甫

舊唐書元宗紀天寶十五載下詔親征次扶風郡軍士各懷去就咸出醜言陳元禮不能制會益州貢春綵十萬匹上悉命置於庭召諸將諭之曰卿等國家功臣陳力久矣朕之優獎常亦不輕逆虜背恩事須迴避甚知卿等不得別父母妻子朕亦不及親辭九廟言發涕流又曰朕須幸蜀路險狹人若多往恐難供承今有此綵卿等卽宜分取各圖去就朕自有子弟中官相隨便與卿等訣別衆咸俯伏涕泣曰死生願從陛下上曰去住任卿自此悖亂之言稍息

唐書元宗貴妃楊氏傳妃兄錡侍御史尙太華公主而釗亦寢顯三姊皆美劭帝呼爲姨封韓虢秦三國爲夫人帝所得奇珍及貢獻分賜之使者相銜於道五家如一四方爭爲怪珍入貢動駭耳目於是嶺南節度使張九章廣陵長史王翼以所獻最進九章銀青階擢翼戶部侍郎天下風靡妃嗜荔支必欲生致之乃置騎傳送走數千里味未變已至京師

太真外傳雙鳳絃乃末訶彌羅國永泰元年所貢者淥水蠶絲也光瑩如貫珠

酉陽雜俎骨利幹國獻馬百匹四尤駿上爲製名決波駒者近後足有距走歷門三限不蹟上尤惜之天寶末交趾貢龍腦如蟬蠶形波斯言老龍腦樹節方有禁中呼爲瑞龍腦上唯賜貴妃十枚香氣徹十餘步

容齋續筆唐德宗初卽位淄青節度使李正己畏上威名表獻錢三十萬緡上欲受之恐見欺却之則無辭宰相崔祐甫請遣使慰勞淄青將士因以正己所獻錢賜之使將士人人戴上恩諸道知朝廷不重貨財上悅從之正己大慙服天下以爲太平之治庶幾可望

酉陽雜俎肅宗爲兒時常爲元宗所器每坐於前熟視其貌謂武惠妃曰此兒甚有異相他日亦吾家一有福天子因命取上清玉珠以絳紗裹之繫於頸珠開元中屬賓國所貢光明潔白可照一室視之則仙人玉女雲鶴絳節之形搖動於其中

舊唐書肅宗紀乾元元年回紇黑衣大食各遣使朝貢至閤門爭長詔其使合從左右門入

唐書嚴挺之傳挺之從孫綬授父丹嘗爲劍南鹽鐵青苗租庸使以武在蜀辭不拜綬擢進士第以侍御史副劉贊爲宣歙團練使贊卒綬總留事悉庫物以獻召爲刑部員外郎賓佐進奉由綬始河

東節度使李說病軍司馬鄭僭總其政說卒代爲節度時德宗務姑息方鎮若帥死不它命卽用軍司馬代之以和狷衆情至是帝頗憶綬所獻故擢爲河東司馬

德宗紀建中元年夏上誕日不納中外之貢唯李正己田悅各獻縑三萬匹詔付度支妃父王景先駙馬高怡獻金銅像上曰有何功德非吾所爲退還之

酉陽雜俎建中四年趙州寧晉縣沙河北有大棠梨樹百姓常祈禱忽有羣蛇數十自東南來渡北岸集棠梨樹下爲二積留南岸者爲一積俄見三龜徑寸繞行積傍積蛇盡死乃各登其積視蛇腹各有瘡若矢所中刺史康日知圖甘棠奉三龜來獻

唐書崔衍傳衍爲宣歙池觀察使宣歙舊貢金錫凡十八品皆倍直市它州民匱多逃去衍至蠲革之

舊唐書德宗紀興元元年時將士未給春衣上猶夾服漢中早熟左右請御暑服上曰將士未易冬服獨御春衫可乎俄而貢物繼至先給諸軍而始御之 貞元二年陝州觀察使李泌奏盧氏山

冶出瑟瑟請禁以充貢奉上曰瑟瑟不產中土有則與民共之任人採取

古今圖書集成

全唐詩話德宗西幸有神智聰如意驢二馬謂之功臣一日有進瑞鞭者上曰朕有二駿今得此可爲三絕

唐書白居易傳居易爲翰林學士遷左拾遺時于頔入朝悉以歌舞人內禁中或言普寧公主取以獻皆頔嬖愛居易以爲不如歸之無令頔得歸曲天子

河東王鐸將加平章事居易以爲宰相

天下具瞻非有重望顯功不可任按鐸誅求百計不卹彫瘵所得財號爲羨餘以獻今若假以名器四方聞之皆謂陛下得所獻與宰相諸節度私計曰誰不如鐸爭衷剖生人以求所欲與之則紀綱大壞不與則有厚薄事一失不可復追

憲宗懿安皇后郭氏傳后召江王嗣皇帝位是爲文宗文宗性謹孝事后有禮凡羞果鮮珍及四方奇奉必先獻宗廟三宮而後御之

陽城傳城爲道州刺史州產侏儒歲貢朝廷城哀其生離無所進帝使求之城奏曰州民盡短不知何者可貢自是罷

穆宗貞獻皇后蕭氏傳有司獻四時新物送三宮亦稱賜帝曰上三宮何可言賜遽索筆滅賜爲奉

唐書食貨志山南東道節度使于頔河東節度使王鐸進獻甚厚翰林學士李絳嘗諫曰方鎮進獻因緣爲姦以侵百姓非聖政所宜帝喟然曰誠知非至德事然兩河中夏貢賦之地朝覲久廢河湟陷沒烽候列於郊甸方刷祖宗之恥不忍重斂於人也然獨不知進獻之取於人者重矣

段志元傳志元三世孫文昌授劍南西川節度使長慶二年黔中蠻叛觀察使崔元略以聞文昌使一介開曉蠻卽引還彭濮蠻大會蹉祿來請立石刊誓修貢獻入遷兵部尙書

淮陽壯王道元傳道元六世孫漢擢進士第累遷左拾遺敬宗修宮室舶賈獻沈香亭材帝受之漢諫曰以沈香爲亭何異瑤臺瓊室乎

盧坦傳坦爲刑部郎中兼侍御史遷中丞初諸道長吏罷還者取本道錢爲進奉帝因赦令一切禁止而山南節度使柳晟浙西觀察使閻濟美格詔輸獻坦劾奏晟濟美白衣待罪帝諭坦曰二人所獻皆家財朕已許原不可失信坦曰所以布大信者赦令也今二臣違詔陛下奈何以小信失大信乎帝曰朕旣受之奈何坦曰出歸有司以明陛下之德帝納之

李絳傳絳授翰林學士俄知制誥襄陽裴均違詔書獻銀壺瓊數百具絳請歸之度支示天下以信

帝可奏仍赦均罪

王播爲鹽鐵使而事月進絳曰比禁天下正賦外不得有他獻而播妄名美

餘不出祿廩家貲願悉付有司帝曰善訖絳在位獻不入禁中

瑯嬛記西域有獸如犬含水噴馬目則馬瞑眩欲死故凡馬皆畏之名曰馬見愁宣宗時國人獻其皮帝賜羣臣編爲馬鞭一揚卽走謂之不須鞭

五代史雜傳馮行襲均州人山南節度使劉巨容表行襲均州刺史是時僖宗在蜀諸鎮貢獻行在者皆道山南盜賊多據州西長山以邀劫之行襲盡破諸賊

唐書逆臣傳董昌爲義勝軍節度使僖宗始還京師昌取越民裴氏藏書獻之補祕書之亡當是時天下貢輸不入獨昌賦外獻常參倍旬一遣以五百人爲率率給一刀後期卽誅朝廷賴其入故累拜檢校太尉同中書門下平章事爵隴西郡王

舊唐書僖宗紀光啟元年僖宗自蜀還京時李昌符據鳳翔王重榮據蒲陝諸葛爽據河陽洛陽孟方立據邢洛李克用據太原上黨朱全忠據汴滑秦宗權據許蔡時溥據徐泗朱瑄據鄆齊曹濮王敬武據淄青高駢據淮南八州秦彥據宣歙劉漢宏據浙東皆自擅兵賦迭相吞噬朝廷不能制江

淮轉運路絕兩河江淮賦不上供但歲時獻奉而已

光啟二年楊復恭兄弟於河中太原有破

賊連衡之舊乃奏遣諫議大夫劉崇望齎詔宣諭達復恭之旨王榮李克用欣然聽命尋遣使貢奉獻繚十萬匹崇望使君臣相賀

十國春秋楚高郁傳郁揚州人乾寧初武穆王爲湖南留後以郁爲謀主署都軍判官王初畏淮南荆南廣南之強議以金帛結之郁曰莫若上奉天子下撫士民訓卒厲兵以修霸業則誰與爲敵矣於是王始修貢京師四境寧輯

閩太祖世家太祖雖起盜賊而爲人儉約一日有使南方回者以玻璃瓶爲獻太祖視翫久之自擲於地謂左右曰好奇尙異迺奢侈之本今沮之俾後代無爲漸也

吳趙匡凝傳匡凝父德諱降朱全忠德諱卒匡凝自立時成汭死雷彥恭襲取荆南匡凝遣其弟匡明逐彥恭全忠表匡凝荆襄節度使以匡明爲荆南留後是時唐衰藩鎮不復奉朝廷獨匡凝兄弟貢賦不絕全忠已弑昭宗將謀代唐畏匡凝兄弟不從遣楊師厚攻之匡凝戰敗以輕舟奔太祖太祖見之戲曰君在鎮時輕車重馬歲輸於梁今敗乃歸我乎匡凝曰僕世爲唐臣歲時職貢非輸賊

也今以不從賊之故力屈歸公惟公生死之耳太祖厚遇之

五代史雜傳盧光稠聚兵爲帥梁初江南嶺表悉爲吳與南漢分據而光稠獨以虔韶二州請於命京師願通道路輸貢賦太祖爲置百勝軍以光稠爲防禦使

段凝爲懷州刺史梁太祖北征過

懷州凝獻饋甚豐太祖大悅過相州相州刺史李思安獻饋如常禮比凝爲薄太祖怒思安因以得罪死遷凝鄭州刺史

楚世家馬殷字霸圖唐乾寧四年拜武安軍節度使梁太祖卽位殷遣使修貢太祖拜殷侍中兼中書令封楚王荆南高季昌以兵斷漢口邀殷貢使殷遣許德勳攻其沙頭季昌求和乃止唐莊宗滅梁殷遣其子希範修貢京師上梁所授都統印明宗卽位遣使修貢荆南高季昌執其貢使史光憲殷遣袁詮王環等攻之至其城下季昌求和乃止殷修貢京師不過茶茗而已

閩世家梁太祖加拜王審知中書令封閩王是時楊行密據有江淮審知歲遣使汎海自登萊朝貢於梁使者入海覆溺常十三四延義審知少子也泉州刺史余廷英嘗矯曦命掠取夏家子曦怒召下御史劾之廷英進買宴錢十萬曦曰皇后土貢何在廷英又獻皇后錢十萬乃得不劾

十國春秋前蜀高祖本紀永平二年二月公食使歐陽柔治田令孜故第穿地得玉璽以獻其文曰有德承天其祚永昌

南漢高祖紀高祖名龔初名巖乾化三年梁除巖清海建武節度使並申書令龔封南平王貞明元年王求梁封南越王及加都統梁主不許王謂僚屬曰今中國紛紛孰爲天子安能梯航萬里遠事僞庭乎由是貢使遂絕

前蜀高祖紀永平五年冬十一月己未夜宮中火諸軍都指揮使兼中書令王宗侃等率衛兵入救帝閉門不內將相皆獻帷幕飲食

五代史雜傳安重霸奔蜀事蜀王建王衍立少年宦者王承休用事重霸深結承休以自託承休求鎮秦州衍以承休爲節度使重霸爲其副使重霸與承休多取秦州花木獻衍請衍東遊

十國春秋安重霸傳重霸官簡州刺史黷貨無厭時州民有油客鄧生者能奕碁家頗饒重霸召令對局終朝傍侍每落一子輒命退立西北牖下俟其算路進子竟日不過下十數子鄧生倦立且饑甚殆不可堪次日復召如前或諷之曰刺史嗜賄本不爲碁也何不進賂求退竟獻金十錠乃免

五代史吳越世家錢鏐杭州人梁末帝貞明三年加鏐天下兵馬都元帥四年楊隆演取虔州鏐始由海路入貢京師唐莊宗入洛鏐遣使貢獻求玉冊莊宗乃賜鏐玉冊金印吳越自唐末有國而楊行密李昇據有江淮吳越貢賦朝廷遣使皆由登萊泛海歲嘗飄溺其使顯德四年詔遣左諫議大夫尹日就吏部郎中崔頌等使於俶世宗諭之曰朕此行決平江北卿等還當陸來也五年王師征淮正月克靜海軍而日就等果陸還錢氏兼有兩浙幾百年多掠得嶺南商賈寶貨當五代時常貢奉中國不絕及宋興荆楚諸國歸命俶始傾其國以事貢獻太祖時俶來朝厚禮遣還俶益以器服珍奇爲獻不可勝數太祖曰此吾帑中物爾何用獻爲

唐家人傳莊宗神閔敬皇后特用事於中四方貢獻必分爲二一以上天子一以入中宮貨賄山積四夷附錄回鶻國唐莊宗時王仁美遣使者來貢玉馬自稱權知可汗莊宗遣司農卿鄭續持節冊仁美爲英義可汗

雜傳張希崇爲靈武節度使撫養士卒招輯夷落自回鶻瓜沙皆遣使入貢

十國春秋南唐李金全傳金全事唐明宗爲廝養常從征伐積功至刺史天成中官龍武節度使務

爲貪暴罷歸獻馬數百匹居數日又獻明宗謂曰卿馬何多邪卿在涇州治狀如何乃以馬爲事乎
五代史雜傳董璋爲劍南東川節度使天成四年明宗祀天南郊詔兩川貢助南郊物五十萬使李
仁矩齋安重誨書往諭璋璋訴不肯出祇出十萬而已

後蜀世家孟知祥邢州人唐兵破蜀莊宗遂以知祥爲成都尹明宗立知祥陰有王蜀之志天成四
年明宗將有事於南郊遣李仁矩責知祥助禮錢一百萬緡知祥覺唐謀欲困已辭不肯出久之請
獻五十萬而已

十國春秋吳睿帝本紀乾貞元年五月南平王季興請舉鎮來附徐溫曰洛陽去江陵不遠唐人襲
之甚易我沂流救之甚難夫臣人而勿之救能無媿乎乃受其貢物聽其稱藩於唐

五代史雜傳李鏐與廢帝有舊廢帝立喜以謂必用己爲相乃就高從誨求寶貨入獻以爲賀從誨
與馬紅裝拂二裸然皮一因爲鏐置酒顧左右取進奏官報狀示鏐姚顗盧文紀皆拜平章事矣鏐
慙失色還遂獻其皮拂廢帝終不用

十國春秋閩康宗本紀通文二年國人貢建州茶膏製以異味膠以金縷名曰耐重兒凡八枚

五代史雜傳馬引孫爲唐中書侍郎同中書門下平章事晉兵起太原廢帝幸河陽是時勢已危迫引孫自洛來朝行在人皆冀其有所建說引孫獻綾三百匹而已

陸游南唐書契丹傳烈祖昇元二年契丹主耶律德光及其弟東丹王各遣使以羊馬入貢於是翰林院製二丹入貢圖詔中書舍人江文蔚作贊四年德光遣使獻馬百匹

十國春秋南唐烈祖本紀昇元二年六月有人獻毒酒方帝曰犯法自有常刑奚用此爲是月高麗使正朝廣評侍郎抑勳律貢方物帝御武功殿設細仗受之命學士承旨孫晟宴其使於崇英殿奏龜茲樂作蕃戲以爲樂九月新羅來朝貢

陸游南唐書烈祖紀昇元三年秋七月丙午放諸州所獻珍禽奇獸於鍾山

十國春秋南唐烈祖紀昇元三年高麗遣廣評侍郎抑勳律來朝貢

陸游南唐書烈祖紀昇元四年六月癸亥罷宣州歲貢木瓜雜果九月戊辰契丹使梅里掠姑米里來聘獻狐白裘

十國春秋南唐烈祖紀昇元四年十月高麗使廣評侍郎抑兢質來貢方物十二月契丹主遣使獻

馬百匹

五年于闐國貢瑞玉天王

五代史雜傳安從進事唐爲侍衛馬軍都指揮使晉高祖卽位加同中書門下平章事自范光延反鄴從進畜異志恃江爲險招集亡命益置軍兵南方貢輸道出襄陽者多擅留之

十國春秋南唐烈祖紀昇元六年六月契丹使掠姑米里來聘獻馬五駒

閩余廷英傳廷英爲泉州刺史貪穢非常詐稱受詔采擇良家子事覺遣御史按之廷英懼詣景宗自歸獻買宴錢萬緡明日召見景宗曰宴已買矣皇后貢物安在廷英復獻錢李后乃遣歸泉州自是皆別貢後宮以爲例

五代史晉臣傳景延廣爲馬步軍都指揮使領天平天福八年秋出帝幸大年莊還置酒延廣第延廣所進器服鞍馬茶牀椅榻皆裹金銀飾以龍鳳又進帛五千匹綿一千四百兩馬二十二匹玉鞍衣襲犀玉金帶等請賜從官自皇弟重睿下至伴食刺史重睿從者各有差

十國春秋南唐烈祖紀昇元七年春正月契丹使達羅千等二十七人來聘獻馬三百羊二萬五千楚文昭王世家天福八年王奢欲無厭用度不足外官遷者必責以貢獻爲殿最復用孔目官周陟

議令常稅外大縣貢米三千斛中縣千斛小縣七百斛無米者輸布帛以抵之

後蜀梁守珍傳守珍後主時宦官也廣政中每值臘月內官各獻羅體圈金花樹子以極璀璨之盛守珍欲得後主心乃採忘憂花縷金於花上號曰獨立僊衆皆以爲不及

宋史李穀傳穀開運二年爲磁州刺史北面水陸轉運使契丹入汴少帝蒙塵而北舊臣無敢候謁者穀獨拜迎於路君臣相對泣下穀曰臣無狀負陛下因傾囊以獻

馬令南唐書嗣主保大四年二月命建州製的乳茶號曰京挺臘茶之貢自此始罷貢陽羨茶

十國春秋荆南文獻王世家開運四年春正月王遣使入貢於契丹以馬來賜

五代史南平世家高季興子從誨立荆南地狹兵弱介於吳越爲小國自吳稱帝而南漢閩楚皆奉梁正朔歲時貢奉皆假道荆南季興從誨常邀留其使者掠取其物而諸道以書責誚或發兵加討卽復還之而無愧乾祐元年卒子保融立荆南自後唐以來數歲一貢京師而中間兩絕及世宗時無歲不貢矣保融以器械金帛皆土地常產不足以效誠節乃遣其弟保紳來朝世宗益嘉之宋興保融懼一歲之間三入貢